

ՄԱՐԴՈՒ
ԻՐԱՎՈՒՆՔՆԵՐԻ
ՄԻՋԱԶԳԱՅԻՆ
ԵՐԿՐՈՐԴ
ԽՈՐՀՐԴԱԺՈՂՈՎԻ
ԲԱՆԱԶԵՎԸ
(Վիլնյուս—Լենինգրադ)

Մարդու իրավունքների միջազգային երկրորդ խորհրդածողովը ամբողջ համաշխարհային հանրության ուշադրությունը հրավիրում է Լեռնային Ղարաբաղում (Արցախում) մարդու իրավունքների կոպիտ ու մշտատև խախտման վրա:

1988 թվականի փետրվարին սկսելով Արցախի ժողովրդի ինքնորոշման իրավունքի ժխտումից, ԽՍՀՄ ղեկավարությունը և նրան ենթարկվող Ադրբեյջանի խամաճիկային կառավարությունը բանը հասցրին Արցախի ժողովրդի դեմ հանցավոր շհայտարարված պատերազմի, որն իր դաժանությամբ ու նենգությամբ համեմատելի է նացիստական ցեղասպանության հետ:

Արցախի ժողովրդին սպառնում է ֆիզիկական բնաջնջում կամ լավագույն դեպքում զանգվածային արտաքսում, ըստ որում, առանձին բնակավայրերի բնակչության արտաքսման դեպքեր արդեն եղել են և հիմա էլ շարունակվում են:

Խորհրդածողովը նշում է, որ հոգևարք ապրող կայսրության ներկա ագրեսիան իր մասերից մեկի դեմ այլ հանգամանքներում կարող է նաև դեպի դուրս ուղղվել, ուստի և վտանգ է ներկայացնում ամբողջ համաշխարհային հանրության համար:

Խորհրդածողովը ժողովրդավարական երկրների կառավարություններին, միջազգային իրավապաշտպան կազմակերպություններին կոչ է անում ԽՍՀՄ-ի ղեկավարությունից պահանջել դադարեցնել համաժողովրդական ահաբեկչությունը Լեռնային Ղարաբաղում, վերականգնել օրինական իշխանության ջախջախված մարմինները, երկրամասի ժողովրդի համար ապահովել միջազգային իրավական ակտերով ընդունված ինքնորոշման իրավունքը: